



**BULETINI MUJOR I
SËMUNDSHMËRISË
INFEKTIVE**

(Pasqyra 14/Sh)

**DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE**

PRILL 2021

Buletini Mujor i Sëmundshmërisë Infektive publikohet çdo muaj nga Sektori i Survejancës dhe Shërbimi i Inteligjencës Epidemike, Instituti i Shëndetit Publik (ISHP). Ky Buletin Mujor bazohet në të dhënat e Sistemit Madhor të Bazuar në Sëmundje (SMBS) të raportuara përmes Pasqyrës Mujore 14 Sh. Ai plotësohet në Pasqyrë në formatin EXCEL dhe dërgohet me postë elektronike dhe me postë zyrtare, brenda datës 10 të çdo muaji, në Departamentin e Epidemiologjisë dhe Kontrollit të Sëmundjeve Infektive (DEKSI), Instituti i Shëndetit Publik. Të dhënat e agreguara të Pasqyrës 14 Sh për muajin prill 2021 janë të dhënat e raportuara nga Njësitë Vendore të Kujdesit Shëndetësor (NJVKSH) në të gjitha bashkitë e vendit.

1. Sëmundjet diarreike

Sëmundjet diarreike gjatë muajit prill 2021 zënë 22.8 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 89.8 /100.000 banorë. Gastroenteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë (2.3/100.000 banorë). Rrethet Berat, Bulqizë dhe Kukës mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastroenterite është i lidhur me pamundësinë në nivelin e disa rretheve të diagnozës së saktë klinike dhe konfirmimit të saj me diagnozën laboratorike mikrobiologjike.

NJVKSH Korçë ka raportuar 3 raste me Salmonelozë jotifioide për muajin prill 2021, dhe paraqet një incidencë 3.9/100.000 banorë dhe NJVKSH Tiranë ka raportuar 1 rast me Salmonelozë jotifioide (Incidenca 0.18 /100 000 banorë). Të gjitha rastet janë konfirmuar në laboratorin e rrethit përkatës.

Bashkia Shkodër mban peshën kryesore të incidencës së Shigelozës për muajin prill 2021 në nivel kombëtar, përkatësisht me incidencë 6.64 /100.000 banorë (9 raste të konfirmuara).

Tabela 1: Frekuencat dhe incidencat e sëmundjeve diarreike për muajin prill 2021
(Incidenca raste/100.000 banorë)

	Raste prill 2021	Incidenca prill 2021 (raste/100.000 banorë)
Tifo abdominale + Paratifo	0	0
Salmonelozë	4	0.14
Shigelozë (Disenteri bacilare)	9	0.31
Dizenteri amebike	0	0
Toksiko-infeksione alimentare	66	2.3
Gastroenterite (etiologji e panjohur)	2494	87.12
Sëmundje diarreike në total	2573	89.8

2. Sëmundjet e EPI

2.1 Tuberkulozi pulmonar

Gjatë muajit prill 2021 janë raportuar 9 raste me Tuberkuloz pulmonar. Nga ekzaminimet laboratorike 8 raste janë konfirmuar sputum pozitiv. Konfirmimi i tyre është kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse. Rastet janë të shpërndara në të gjithë vendin përkatësisht, nga një rast në Durrës, Dibër, Devoll, Shkodër, Elbasan, Fier dhe 3 raste në Tiranë.

Gjatë muajit prill 2021 janë raportuar 2 raste me Tuberkuloz ekstrapulmonar në Tiranë. Nga ekzaminimet laboratorike të dy rastet janë të konfirmuar me sputum pozitiv. Konfirmimi i tyre është kryer në Laboratorin e Referencës, Tiranë. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse.

3. Zoonozat

Gjatë muajit prill 2021 me anë të Sistemit Madhor të Bazuar në Sëmundje (SMBS) të raportuara përmes Pasqyrës mujore 14/Sh është raportuar në nivel vendi një rast i konfirmuar me antraks në Delvinë, i grup-moshës 30-34 vjeç. U krye komunikimi me strukturat veterinare dhe shërbimin epidemiologjik për ndjekjen e rastit në vatër. Rasti po trajtohet në menyrë ambulante.

**Tabela 2: Frekuenca dhe incidencat e sëmundjeve Zoonotike në prill 2021
(Incidenca raste/100.000 banorë)**

	Raste, prill 2021	Incidenca prill 2021 (raste/100.000 banorë)
Antraks (Plasje)	1	0.03
Brucelozë	0	0
Leptospirozë	0	0
Leishmaniaza viscerale	0	0
Leishmaniaza kutane	0	0

4. Hepatitet virale

Në raportimin mujor të sëmundshmërisë infektive gjatë muajit prill 2021 janë raportuar në total 12 raste me hepatit viral B (Incidenca 0.42/100.000 banorë) nga të cilat, 10 raste të konfirmuar në Tiranë (incidenca 1.79 /100.000 banorë) dhe përkatësisht nga një rast të dyshuar kanë raportuar NJVKSH Fier dhe Kuçovë. Në lidhje me hepatitin viral as A as B është raportuar një rast i konfirmuar në Tiranë (Incidenca 0.18/100.000 banorë).

5. HIV/AIDS

Në muajin prill 2021 janë kryer në total 46 ekzaminime për HIV në Njësinë e Laboratorëve në Institutin e Shëndetit Publik (ISHP). Nga këto ekzaminime, 13 prej tyre kanë rezultuar pozitive (8 meshkuj dhe 5 femra). Rastet pozitive i përkasin moshave të ndryshme, përkatësisht nga 24 deri 58 vjeç. Rastet pozitive janë nga rrethet Tiranë, Fushë-Krujë dhe Durrës. Mostrat e gjakut që kanë rezultuar pozitive kanë ardhur në ISHP nga QSUT (Spitali Infektiv), QKTGJ, vullnetar, laborator privat (Intermedica dhe ALNET) dhe shoqata të ndryshme.

INSTITUTI I
SHËNDETIT PUBLIK

DEKSI